

Ewuno non ika arun ewe ngasengas murin omw ka angei ewe opwosun COVID-19. Met sam me in me anuwen me fopun repwe kan sinei



Meta ei myocarditis?

Myocarditis (me pericarditis) ir ekkoch kapas ren ach sipwe aweweini ewuno non ika arun ewe ngasengas. Ekkena napenapen mi pachenong metekin fan mwarir, weiresin ngasengas me pwan memefi ika pwe pungung ngasengaseom a kan pungupung fakkun mutir. An inis we monun fiu ngeni semwen epwe kan fan ekkoch fori ei ewuno ren an epwe ponu ngeni ew monungaw, usun chok virus.

Ewuno non ika arun ewe ngasengas ese kan fifis iteitan me pwan mi fakkun kukun chon mano seni.

Mi wor kis seni 200,000 casesin ewuno non ika arun ewe ngasengas non United States ew ier, fiti kukun seni 2% rekan mano. Ese kan wor mano seni ewuno non ika arun ewe ngasengas ra kan fis seni apposun COVID-19 non United States.



- Sise kan sinei ika pwe mi monungaw
- Arapakan unusen case kena ra kan chok kukun
- Safean mi kan chok kis, foforuchok won tumunun napenapen

Met mi wor chufengenin ngeni apposun COVID-19?

Meni. Ngawen murin appos mi fakkun chok kuku, nge meni epwe fis. Ewuno non ika arun ewe ngasengas a pwan fis ngeni ekkena aramas rese angei ewe appos.

Pokiten ese kan tongeni epwe keutuwow, ew mwichen pekin tumun seni Centers for Disease Control and Prevention (Ofes ren Tumunun me Pinepinen Semwen) ra kuna pwe mi wor ew "menni repwene chufengen" nefinen ewuno non ika arun ewe ngasengas me pericarditis me mRNA apposun COVID-19 (a for seni Modera me Pfizer-BioNTech).

Met sain me anapenap upwe kan sisinei murin appos?

Case kena ra kan fis fan chomong non teens me enuwen mi kukun seni ewe ierin 30. Anapenapen ena a ka fakkun fis fan chomong murin ewe aruwowen appos.

CDC a apasa pwe ekkena aramas ra kan keran angei appos repwe kan kut safeier ika pwe ra kan mefi ekkei anapenap murin ra kan appos, akaewin non ewe aewin wik murin appos.



- Metekin fan mwerum
- Mochemochan an ngasengas
- Memefin pwe ka kan angei ewe mutirin pungupungun, kekewunon, ika pungungawen eom ngasengas

Ei attun fansoun epwe toruk ekkei mi fakkun kukun. Nge ew chok, kut safeom fakkun mutir ika pwe ka kan memefi ew ekkei anapenap.

Chechemeni, mi fifisichok ika pwe a toruk ekis tori ekis napeno napenap, mi pachenong pwichikar, metekin mokur, monnu, me pwan metekin chuum/fituuk, nupwen ewe aewin wik murin eom angei ewe apposun COVID-19. Ekkei sakusokun ra kan chok poputa me non unungat ran murine om angaei ew appos me pwan epwe chok tam ngeni ekkoch ran.

Appos a chuen chok ewe eochun met sipwe finata

Ekkewe pechakunen aninis seni ekkewe appos ra kan eoch seni ekkewe kukunun ngawen ewuno non ika arun ewe ngasengas (myocarditis). Ewe appos ra fakkun pechakun ren pinepinen mano me pwan semwen, me pwan pachenong tumun seni minafon, chomong ekkena variant virus mi fokkun afeiengaw.